

又曰魂神為陽生我身也魄神為陰養我精也魂魄不離其身陰陽生化其精則北斗九辰與三台至聖千真萬靈常來衛護於我之身形也如此行之奉之則災厄從何而生也學者可不以道之淺見薄聞以為真文大道庶幾有補於將來也

魁魁魁魁魁魁專帝急急如律令

此北斗九辰之內諱也若人持誦至此則當著想專容愈加敬禮而叩齒密誦慎勿朗宣禍福響應可不畏歟急急如律令者漢時公檄文移結語亦皆如是也如當今部符云符到奉行之義天師漢人故承用之教門遂得祖述也

太上玄靈北斗本命延生真經註卷之三

太上玄靈北斗本命延生真經註卷之四

玄陽子徐道集註
乾陽子徐道女校正

老君曰凡人性命五體悉屬本命星官之所主掌本命神將本宿星官常垂蔭佑主持人命使保天年

本命星官者如子生人屬第一貪狼星君是也本命神將者如甲子丙子之神也本宿星官者陽則虛宿陰則女宿也太上初令世人知其性命皆憑道生既了悟此因即令歸真修奉延生解謝之門此章明人之五體悉屬本命星官主掌五體者即五臟也人若五臟安和則萬邪不侵百病不入永保長生本宿星官蔭佑其命知身則五體安和知道則長生久視知性則道心開發知命則使保天年也

凡俗無知終身不悟夫本命真官每歲六度降在人間降日為本命限期有南陵使者三十人北斗真君七千神將本命真官降駕衆真悉來擁護可以消災懺罪請福延生隨力

章難福德增崇

人生六十年為一大限之期全其本年是也乃平生一周換甲之期六十日為一小限即每年六度是也其日本命真君因所屬生人降在人間即於我身察錄其罪福南陵使者乃破軍星君之使也故其中陰陽混合南斗關北辰辰隱南斗也靈寶經云北斗落死南斗上生者分其門而說也故此經北斗二字皆總之也其無知不悟之凡愚恣造惡業違犯禁戒伐其天年則限數短促即死矣學道上智之士積功布德精修善業遵奉禁戒展其天年限次延遠福德增崇則得長生久視矣其有本命限期將至自身不知不設齋醮不修香火此為輕生迷本不貴人身天司奪祿減算除年多致天喪迷悞之者雖遇經訣懷不信心毀謗真文如此之人身謝之後淪沒三塗漂沈諸趣永失人身深可悲哀自致斯苦
天地上清下濁造化一陽一陰一日有晝

有夜一年之內春生夏長秋殺冬成星有
 隱顯月有盈虧如列宿翼象二十二星虛
 壁止二星井宿三十三度鬼宿止四度天
 象尚有不齊人稟天地星斗陰陽五行造
 化而生故有富貴貧賤壽夭賢愚之異而
 人不悟賦分已定惟務妄想貪求於有限
 光陰造無窮罪業一度本命加臨一次死
 期將至不謝天地生成之德不感星真蔭
 庇之恩既不貴重自身乃是輕生迷本必
 致夭喪其身迷悞之人得聞此經心生狂
 亂狐疑不信或見持誦不能思齊反生誹
 謗身死之後沈淪鬼趣受辛報苦劫盡纒
 於地獄受果報之罪經中有見人持經偏
 眼邪視惡言謗讟不生敬仰或初雖信受
 後復慢易種種罪報不忍註釋學道之士
 豈侮聖人之言侮經則鬼崇來侵奉經則
 神聖皆迎既無功補於玄教焉敢謗毀其
 真文靈寶經云天司記人功過毫分毋失
 可不慎歎可不戒歎

命限期開轉此經廣陳供養使三生常為男
 子身富貴聰明人中殊勝
 太上慈悲方便設教故開示次序之法門
 使漸達生榮之境界歸奉真宗福報如是
 先令持號則罪業消除次命告斗醮謝轉
 經及認本命真君方獲安泰此見世一生
 之善也又持念真君名號宿有善緣言過
 去先世道心深重之故此二生也今能修
 齋設醮善達天司使三生常為男子身富
 貴聰明人中殊勝言未來之福報也玉皇
 本行經云智慧聰明轉女成男乃三十種
 內之上妙功德也又四十二章經云人離
 惡道得為人難既得為人去女為男難世
 人修奉得於三生常為男子身聰明富貴
 此有住相之福報也若能離有相之境昇
 無為之鄉入希夷之門證虛无之道方可
 為人中殊勝之男子矣
 其有生身果薄雖在人中貧窮下賤縱知本
 命無力修崇能酌水獻花冥心望北極稽首
 禮拜念本命真君名號者亦不虛過本命限

期皆得延生註福繫係人身災厄蠲除獲福
 無量天師歡喜踴躍作禮讚歎難可得過無
 上法橋
 按金剛經云若人滿無量阿僧祇世界七
 寶持用布施若有善男子善女人發善心
 心者持於此經乃至四句偈等受持讀誦
 為人演說其福勝彼謂七寶有竭四句無
 窮若持於此經本心悟達則勝前以七寶
 布施之功德也富貴者廣設齋醮貧窮者
 酌水獻花同一是念福報等也奉道之士
 修齋設醮希求福利得福雖多而於誠心
 見性了無所得惟成有漏之因如但以七
 寶持用布施也若人知性知命知道知身
 於本命之辰禮斗朝真獻花酌水不虛本
 命限期不希福報自感聖真延生註福無
 為功德勝前以七寶布施有為之福德也
 天師感激欣戴不知手舞足蹈讚嘆得過
 此無上之大法橋也
 老君重告天師曰世人罪福善惡皆屬天司
 懺罪消災莫越修奉遇本命生辰告身中元

辰驛馬削落三災九厄保見今春屬安寧
太上垂教立言隱奧玄微世莫可測此經
乃哀憫衆生故宣要法以度羣迷叮嚀告
誡曲盡人情使人易解易悟發信向知歸
之心學道之士既能依經修奉當求聖意
於經旨之外則登妙果入仙宗也謂如元
辰驛馬如何削落災厄保眷屬安寧夫元
辰者乃我身之神也驛馬者我之意神也
人之元神外寄於目內藏於心目則外視
於萬物內則心馳於萬機心目所馳神亦
奔馳人能收心內照馬不令馳保養形神
胎息自固則三尸去體九盡消亡災厄從
何而至故能保我之六脉安和而百神調
暢也
凡有上士於本命生辰持此真文者外伏魔
精內安真性功露水陸善及存亡悔過度春
漸登妙果重立玄功證虛無道乃得聖智圓
通隱顯莫測出有入無道還雲際昇入金門
與聖合真身超三界永不輪轉壽量無窮快
樂自在

夫人之生有此身者有此神也身安則神
健神健則氣清氣清則與道能合也悔過
度春者懺罪也漸登妙果重立玄功者告
元辰驛馬削去災厄使形神清靜自然延
生也證虛無道者以太虛无上之道為證
也聖智圓通者則慧光通明不致三尸九
盡之所害也隱顯莫測者言人能登妙果
證大道智圓通則萬神拱護千真保迎蒸
結真玄神成妙道則出入金門之中隱顯
人不可測也道藏云金門者非金闕金庭
之名也金闕者乃三清玉帝之居處也金
庭者即上聖高真之所居也此金門者在
昊天之下三萬九千三百五十劫炁之下
凝合變化為金門也凡初學精修得道之
士天年終而不入輪迴之道而飛上金門
受諸道遠快樂自在也此章乃經中之玄
竅玄靈之秘要也凡諸同志肯以上帝之
心為心道為之言為言則自然獲福無邊
成真在此章也
凡有男女於本命生辰及諸齋日清淨身心

焚香持此真文自認此極本命所屬星君隨
心禱祝善無不應災罪消除致感萬聖千真
俱來衛護此文所在之處千真敬禮萬聖護
持魔鬼潛消精靈伏匿世有災殃悉皆消滅
夫人身三魂屬陽動以生也七魄屬陰靜
以鎮也魂日居人體故曰陽主動魄夜居
入身故曰陰主靜三魂於本命生辰及諸
齋日歸身制御陰魄令邪道不侵百神交
會魂安魄正陰與陽并無苦惱身有光
明人能清淨身心焚香誦經啟祝北斗及
本命所屬星君則災罪消除道速成矣此
經所在之處千真萬聖與七戒仙官敬遵
天師普願護持之際自有祥烟繞庭慶雲
騰軒則何災不滅何福不臻也
是名北斗本命延生經訣乃修真之徑路得
道道遠皆因此經證聖成真皆因此經出離
生死皆因此經保護男女皆因此經保命延
年皆得自在永為身寶福壽可稱保而敬之
非人勿示
此經廣大無量功德無邊凡俗下士宜易

量哉諸大經典皆不切於此斗經也謂如靈寶只言度人却不費說教人如何延生以入正道此經令人知命皆憑道生即是教人惜其本身知其本命知本命則自延生延生則非道不可延既能延則可受天真地聖之濟度也無本豈能度無根豈有果此乃本命延生之徑路修真入道之玄門也蓋靈寶者是其用也此斗經者是其體也學道之士所當敬慕太上已授前章經訣又名此經是名北斗本命延生經訣蓋慮薄德之人輕慢而不珍惜故又戒之夫人自修真道證聖成具出離生死則保我之心腎完矣心腎既完元延年自在至於入金門抱玄靈之寶受逍遙之樂獲自然之福享無窮之壽倘非延生之訣何能至此境界耶此經非太上悵惜而不令普及若示之於不敬不信之人必生漏慢又從而誘之却是輕泄之罪也

老君說經將畢龍鶴天仙來迎還於玉京是時天師受得妙法而作是言誓願流行以傳

善士若有男女受持讀誦我當與七戒仙官所在擁護於是再拜老君而說讚曰

家有北斗經本命降真靈

北斗居天之中為天之樞紐天地之權衡也天無斗不生無斗不成無斗不明無斗不行斗為量度之玄器也在人家豈可無之日用之間無斗不平無斗不行無斗不明無斗不成在人之一身非斗不生非斗不養非斗不護非斗不覆人之心上有七孔以應七星下有二竅以應輔弼又有三毫以法三台所以北斗在天居天之中在人居人之心心即北斗北斗即心如即心是佛即佛是心是也為何經中不言心却說家有北斗經蓋始因太上觀見眾生無門可進修真之路無誠以向禮斗之科是故特垂哀憫大闡玄靈授與天師經訣廣布流行普使世人皆躋仙阼不蹈輪迴天師靜應真君上體聖意下利生靈為心故借喻人間一十五種利益之事以讚美之家即身也乃心之家舍也如人家安奉斗

經供養真形修崇嚴潔十真敬禮萬聖護持若人心於十二時中行住坐卧之間念不輟於北斗禮誦焚符必感本命玄靈降真炁於我身以保長生也此與後章皆有靈符計一十五道併開經後依法書篆佩帶焚藝則無不感應也

家有北斗經宅舍得安寧

心者神之舍形者炁之宅也人能常存北斗於身心之中則得身心清靜而外使家宅安寧也

家有北斗經父母保長生

本命元辰削落災厄保我延生我若不越修奉可保父母之長生也

家有北斗經諸厭化為塵

身心清淨思真念道何厭穢之不塵化也

家有北斗經萬邪自歸正

經云坎居下位離列上君主僕安分其道常存心即君主也心正則萬邪皆正矣

家有北斗經營業得稱情

朝奉真君則身中業障消除而營謀自然

稱其情意也

家有北斗經闔門自康健

諸竅不滿淡浴真元則一身自然康健也

家有北斗經子孫保榮盛

長生種子之不絕必當培養令其榮盛也

家有北斗經五路自通達

五臟流通無有滯礙

家有北斗經衆惡永消滅

真性一悟萬罪消除

家有北斗經六畜保興生

六根安寂自然興生

家有北斗經疾病得痊癒

精神不乏則百病痊愈也

家有北斗經財物不虛耗

財寶乃一身之正炁若不被外邪所耗則

本元堅固也

家有北斗經積事永不起

人身喻如屋宇堅完塙壁牢固何患驟雨

狂風之傾摧也

家有北斗經長保亨利貞

長保玄靈則永獲亨利貞也

老君曰善哉善哉汝可宣揚正教福利無邊

普及衆生永霑勝善天師稽首禮謝信受奉

行

老君說經都畢天師讚歎已終萬聖歡欣

得福利普霑於羣品諸天慶幸喜法教化

及於十方延生有路朝聖得門太上使人

人不入輪迴天師闡世世流行妙道今道

於不揣其學擅釋玄文却非杜撰之辭實

乃真全之本道非為己祈求以要譽欲

使人請禱必得玄功也凡諸同志固當奉

之敬之自得長生安泰也

太上玄靈北斗本命延生真經註卷之四

呪曰呪者即呪祝之義也以心通天

矣天靈節榮願保長生

天者無為之大也靈者無所不靈也天靈

者言人最貴最靈也人頭頂之一穴百神

朝聚之所關節流通真炁榮盛百病不生

則長生可冀也

太玄之一守其真形

太玄之一者乃北方玄天坎宮正一之炁

大道之子也為兩曜之根本乃萬物之祖

宗也道德經云天得一以清地得一以寧

人得一以靈即此玄一也昔黃帝同三一

之道皇人曰子能知一萬事畢一者身之

帝也守一則太一帝君在庭在則三萬六

千神莫不皆在也守一之法暮夜正偃向

上兩手撫心上祝曰天靈節榮願保長生

太玄之一守其真形五臟神君各保安寧

急急如律令男誦七徧女誦一十四徧畢

思白炁如車輪大周其身赤炁在外使卧

使人五臟安寧小則延年却惡大則成仙

昇舉也

五臟神君各保安寧

按內景經云心神丹元字守靈肺神皓華

字虛成肝神龍煙字含明腎神玄明字玉

嬰脾神長生字魂庭皆在心內運天經畫

夜存之自長生謂五臟之神存之於我各保安寧矣

急急如律令

急急者疾速不停之義也如者似也律令

者乃太上之勅萬神遵奉其身神素行律

令而得安且寧矣修真之士若能急急依

太上之令奉行瓊璣玄一之道者則神能

舉形飛昇可待也

北斗長生聰明神呪

北斗九真 玉真仙靈 貪狼巨門 保臣長存

祿存文曲 使臣聰明 應真武曲 衛臣安寧

破軍輔弼 護臣身形 常居吉慶 永慶福齡

註上生籍 陰落死名 神清氣爽 洞達九冥

禦邪攝鬼 羣妖推傾 學道修真 所願遂成

九皇覆護 飛昇紫庭 弟子某下情無任

瞻望

恩光激切屏營至禱之至

讚詠圓滿神呪

大哉北極 生物無息 樞機運動 乾坤定立

太上垂教 衆生遇植 消災解難 神目電及

臣今齋沐 上帝可格 克始克終 保家保國 諷誦真文 作是惟一 此經難遇 劫數萬億 既遇之者 請必有得 仁仁玄靈 證明功德

圓滿祝願靈章

向來誦持經典已在周圓香雲騰舞於三天

丹悃表宣於七曜金童傳信玉女通誠再伸

十願之儀俯罄一心之禱伏願

天真駐駕樞府停輪俯賜慈容臣祝願

一願皇圖永固行萬壽之無疆大道高明闡

七元之有慶

二願君敷仁愛臣盡忠貞八荒雷熙皞之風

四海樂昇平之治

三願時和歲稔物阜民安父兄施慈愛之心

子弟盡敬恭之道

四願三塗五苦六道四生悉沾太上之恩均

證人天之樂

五願等先亡七祖俱超快樂之鄉見在雙

親均享壽康之福

六願等前傳師友同學門人魂神無被繫

之牽氣數有飛昇之步

七願等修真有分進道無魔生闡道德之風世奉玄元之教

八願侍經神吏護戒仙官假茲監衛之功勳

悉遂進陞於品秩

九願侍香金童傳言玉女齋此腹心之丹悃

達乎喉舌之真司

十願城隍社令司命土神隨所守護於靈文

常使導迎於景福誠惶誠恐稽首頓首再

拜志心稱念

三清三境天尊七元覆護天尊金真演教天

尊功德無量不可思議

1 011 A B 2 4